



The Academy

libenter igitur tē in numerum discipulōrum meōrum accipiam. abī  
nunc. crās ad theātrum redi et scholam meam audi.

Quintus laetissimus ad ātrium rediit. ad portās accēdēbat cum  
intrāverunt duo iuvenēs ridentēs et magnā vōce colloquentēs.  
alterum Quintus agnōvit; oculis suis credere vix poterat: Marcus  
Cicerō aderat. Quintus eum vocāvit. ille sē vertit et 'dī  
immortālēs!' inquit, 'nōne Quintum videō? nēmō mihi grātior  
Rōmā vēnit quam tū. venī mēcum; in urbem ibimus et aliquid vini  
bibēmus.'

Quintum in urbem dūxit et mox in tabernā sēdēbant vinum  
bibentēs. 'age, Quinte,' inquit, 'omnia mihi narrā. quādo Athēnas  
advēnistī? quid Rōmae fit? quid audivistī dē patre meō? utrum in  
periculō manet an in otium recessit?' Quintus omnia ei narrāvit dē  
studiis suis, dē morte Caesaris, dē periculis urbis. Marcus 'vēra  
dicis, Quinte. tempora numquam difficiliōra fuērunt. propter eam  
causam pater me Athēnas misit, quod ipse maximō in periculō est.  
itaque in Lycēō studeō. sed haec studia mihi nōn placent; scholās  
Cratippī vix intellegō et librī philosophōrum frigidī sunt. practerea  
in angustias quāsdam incidi. nam omne argentum quod pater mihi  
dedit iam cōsūmpsī. pater plūs argentī mihi nōn mittet nisi  
meliōrem fāmam dē mē audiverit. quid faciam?'

agnōvit recognized

dī immortālēs! immortal gods!

aliquid vini some wine

Lycēō the Lyceum

frigidī boring

angustias (f. pl.) difficulty

cōsūmpsī I have used up